



Türkiye
Gülşen-i Aşk
Kutubhanesi
Yazma

Small yellow label with red and black text, partially obscured.

دوقتور عبدالله جودت

علم روح اجتماعی

Dr GUSTAVE LE BON

ك

Psychologie des foules

روح الجماهير

عنوانی کتاب مشهورینک صوک طبعنه کوره ، مفید حاشیه لر
و ایضاحات تاریخیه علاوه سیله ترجمه کامله سیدر

پاریس دارالفنونک معلملرندن، مومینو (واژو) نك مؤلف کتاب (گوستاولوبون)
و آثارک حقنده قیمتدار برتبعنامه سی ترجمه مزك باشنه علاوه اولونمش در.

طابع و ناشری : اقبال کتابخانه سی صاحبی

حسین

استانبول

آمدی مطبعه سی

۱۹۲۴

۱۸ تشرین ثانی ۱۹۲۳ تاریخنده یز

دیباچه مترجم :

عجرتلی ومظلم کونلر یاشایوردق . (استانبول) كمدهش
بر حرب ساحه سی اولماق احتمالی موجود ایدی . بوتقدیرده
ایکی میلیونه یاقین نفوسی احتوا ایدن عظیم بر شهر ك كنج ،
اختیار ، اركك ، قادین ، بتون سکنه سنك معروض اولاجاغی
آفتلر حوصله سوز ایدی . بومظلم ساعتلری ، بومظلم کونلری ،
بلکه ده ایلری نه صورته بر آرنسیان ویاتنویرایتمه لی؟ سؤالنی کندی
کندرمه صوردم . Sully- Prudhomme ك شومصراعی نظر مده
البلع ایتدی :

Les heures d'idéal, les seules fortunées .

مسعود ساعتلر ك آنجاق مفکوره ساعتلری اولدیغنی در پیش ایتدم .
۱۸۷۱ تاریخنده ، (پاریس) ك آلمان لر طرفدن محاصره
اولوندیغنی مظلم زمانلری (متکلمین وفلاسفه اسلامیه تاریخی)
آدلی کتابنی یازمایه حصر ایتمش اولان بر فرانسه مستشرقنك
ویرمش اولدیغنی قراره مشابه بر قرار ویردم . دو قنور
(کوستاولو بون) ك Psychologie des foules نی تورکجه یه ترجمه

ایده جکم دیدم . بو کتاب شیمدی ۲۹ نجی طبعنده در . (کوستاو لوبون) ك اكاصلی و اك مهم اثریدر . شیمدی یه قادار بتون اوروپا ملتلی دیلیرینه ترجمه ایتمشلردر . فی الحقیقه جمهور حالنده اجتماع ایدن انسانلرك پسیقولوجیاسنه دأربوقادار جمعیتلی بر اثر هیچ برلسانده موجود دکلدر . موجود اولانلرده متفرق وقسمیدر . جمهورلرك شوکتی ، نفوذی ، سرعتله آرتیور . دورمن کزیده لرك و مستئنا ذكالرك حکمران اولدیغی بر دور دکلدر . مستئنا ذكالر آنجاق جمهورلرك آرهسنه کیرمک و آرزوق اولنلرك روحیه و روحیاتیه روحانماق شرطیه فعالیتیه کچه بیلورلر . انسانیتك دور حاضرنده روح جمهورقادار تدقیق و اطلاع کسب اولونماسی الزم اولان دیگر هیچ بر مسئله و موضوع یوقدر . دون [۱۷ تشرین ثانی ۱۹۲۳] بر غرضه نك (بر سوء تفهم) سرنامه لی مطالعه سنده او قودینغمز « بز ، جمهورك مقرراتنه اعتراض ایتك ایسته ینلرك قفالرینك قوپاریریلماسی ایستهرز » عباره سی روح جمهورك نه قادار فرمان فرما اولدیغی دریش ایتیه کافی در .

شبهه سز ، جمهور ، مقرراتنك وطن و ملتك منفعتنه اك زیاده موافق اولدیغنه قانع اولابیلیر ، فقط بر وعینی مقصده دیگر بر یولدن کیتمه نك داها امین و داها موافق اولدیغی دوشونمهی وطنه قارشى اك کوچوك محبتسزلك بيله عد ایتك البته محق اولاماز .

علم روح اجتماعی [یاخوده جمهورلرك روحیاتى] کره ارضی

دور ایتش بر ائردر . اجنبی لسانلرینه آشنا اولمایان و طنداشلریمی بومهم کتابك نعمت مطالعه و ملاحظه سندن محروم بر افاق ایسته مه دم . هر وطن ، وطن عمومی اولان سیاره ارضك بر جزئی و هر ملت ، معظم عائله انسانیتك بر قسمی اولدیغندن خدمت بتون انسانیته عرض ایدلمش بر خدمت دیمکدر . عمر طبیعیتسك دورنده اوچنی یاشامش بر آدامك بویه بر خدمت فکریه و انسانیه ده بولونماقندن داها بیوک نهاملی اولابیلیر ؟

L'histoire de ceux qui ont cru au mieux et qui ont travaillé pour faire souche d'une nouvelle race mieux organisée intellectuellement et moralement, est l'histoire de la partie la plus intéressante de l'humanité .

یعنی « داها ای » نك موجودیتنه قانع اولمش و فکرأ و اخلاقأ داها ای متعضو بر عرقه اصل شجره یا بامق ارجون چالیشمش کیمسه لرك تاریخی ، تاریخ انسانیتك اك حالب نظر قسمیدر . « دین (کوستاو دوغا G. Dugat) نك فکرندیم : انسانیتك داها مکمله ، داها ای یه دوغرو کیده جکمه ایمانم قوی در . بتون رجعت لر ، ارتجاعلر سریع الزوال ، غیر طبیعی حادثه لردر . بشریتك بر نقطه کماله دوغرو یوکسلدیکنه بنجه اك مهم علامت ، مقاتله یه قارشى صورت عمومیه ده حس اولونان ا کراه در . بشریتك حیوانیتنه اك فاجع علامت ، مقاتله اولدیغی کیبی حیوانیتك زواله باشلا دیغنه اك بیوک مرده دخی انسانیتده تجاوزی جنك وجد اك ، لایق اولدیغی

استکرام ايله تلقی اولونمايه باشلاماسی، زمره لر و ملت لر آره سندم مختلف فيه مسئله لرک حربدن غیری برواسطه ايله حل و فصلنه تمایل حاصل اولماسی در .

ادبی، اجتماعی، علمی بتون فعالیتلر من بو حقیقت معظمه نك تنور و تبارزینه خدمت ایتمه یه معطوف در . برانسانک بتون حیاتی منحصرأ مشغول ایتمه یه لایق یکاه اشتغال انسانلره صلحک و حسن معاشرتک اک بیوک خیر و فضیلت اولدیغنی تلقینه معطوف اشتغال در . کورلک اولومدن بدتر در . بشریتک قسم اعظمی، برعمای وجدان یوزندن یا ظالم و یا مظلوم اولماقده در . دون،

ظالمی ظالم ایدن کورلکیدر وجدانک بتون انسانلری اولادی کور و رجان بصیر؛ ای بیوک کوندوزک ادراک و محبت کونشی طوغ! یتر، قالدی بشر ظلمت و عدوانه اسیر.

دیوردم . طبیعتده هیچ بر جزؤ فرد ضایع اولمادیغنی کییی هیچ بر جهدکده ضایع اولمایا جاغنه قائم . بوایمان منور، صوک نفسمه قادار چالیشماق، ابنای وطنمه و ابنای نوعمه ممکن اولدیغنی قادار فضله نور طاشیماق ایچون بانا بر سائق شافی و کافیدر .

۱۸ تشرین ثانی ۱۹۲۳ اجتهاد نهوی

دوقتور عبدالله هودت

قامشی

۳۱ مایس ۱۹۱۳ ده (روح الاقوام) ک ایکنجی طبعنک افاده مترجمی عیناً شوسطر لرله نهایت بوايوردي .

«روح الاقوام» ک ایکنجی طبعی، ینه عینی مؤلفک اک مهم وبالخاصه اک زیاده فلاسیک وزمانز جمعیات مدنیه سنک علم حال «ی دینیه سزا کنا بلرندن اولان روح المجتمعين [علم روح اجتماعی] تعقیب ایده جکدر . بووعد (روح الاقوام) کتابنک تقدیر کار قارئینه برسلا م شکران اولسون .»

بووعدی اون سنه صوکره اولسون انجاذ ایتک میسر اولدی . اسم اولارق (روح المجتمعين) «علم روح اجتماعی» نك ترجیح اولونماسی، بونک روح مسیایی داها محیط بر صورتده افاده ایتمه سندن در .

۱۹۰۵ تاریخلی و ۹ نومرولو (اجتهاد) ده (دو قنور کوستار لوبون ايله ملاقات) عنوانلی مقاله ده بو کتابک ترجمه سنی کنجلردن بکله دیکیزی یازمشدق . هنوز حدائق سنلری فرانسز جهده کی حدائق سنلرینه قاریشان ایکی کنج بوایری تورکجه یه ترجمه ایتمه یه تشبث غیرتی کوسترمش و فقط بوسفر لرله مخصوص برحالت ضروریه اولارق ناقص، آ کلا شیلماز و برحقوق ترجمه خطالرینی محتوی برساله یه وجود و برمشلردی . اوکنجلر بوگون کزیده ذکالر مزندن در و اوسال وسنده کوستردیکلری غیرت بوکونکی فیضلرینک مبشری اولشدر . بونی ذکر ایتکله کندیلرینه اصلا حرمتسنلک ایدلش اولیور . بویله جدی و درین اثرلری بحق فهم و ترجمه ایتک یکریم اوتوز سنه لک بر اشتغال مخصوص ایسته یور . ترجمه منر بو اوصافه مالک بولونماق قناعتیه زنده اولارق متبعلر منک حضورینه چیقور ، تورک اساننده اک قوتلی و پایدار اثرلردن بری اولارق یاشایا جاغنه و فکرانی و روحانی عظیم خدمتلری اولاجاغنه امین در . ع . ج .

منحصراً بر کیمیا کر اولماسنی، برفیلسوفکده نه فیزیک شناس نه کیمیا کر اولماسنی استلزام ایدن اختصاص قانون شدیدی، سعی و تحریات علمیه حاکم در و بالخاصه شهرت اوزه رینه بیوک تأثیر اجرا ایدر. حالبوکه (کوستا و لوبون) نه دارالفنون پروفه سسوری، نه ده بر متخصص اولمامشدر. بناءً علیه نه دارالفنون نه ده رسمی علم [Science officielle] اونک طرفگیری اولمامشدر. موسیو (آبراهام) و (لانژووهن Langevin) ک انشعاع فعالیت RadioActivité اوزه رینه یازیش شیلرک کافه سنی استتساخ و جمع ایتک اقتضا ایتدیکی زعمی آتنده وجوده کتیرویکتری عظیم اثرده (کوستا و لوبون) ک اسنی قطعاً یولاماز سکر.

دیگر طرفدن ممالک اجنبیه ده [یعنی فرانسه خارجنده] (کوستا و لوبون) ک رغبت و موفقیت مظهرتی عظیم و سریع اولدی. کلمبرینک کافه سی بتون لسانلره ترجمه ایدیلدی. (ژاپونیا) دخی داخل اولدینی حالد بتون مملکتلرده بیکلرجه صایلدی. اک مشهور انکلز متبحرلرندن (سیر ویلیام رامسهی) بر لایحه مخصوصه ده بالذات سویله مش اولدینی وجهله (کوستا و لوبون) ک استحالته مادهیه عائد بتون تجربه لرینی تکرار و دوغرو لغنی اعلان ایتدی. (لیه ژ) ک بیوک فیزیک «اینستیتو» سی مدیری پروفه سسور (دوهن De Heen) دخی عینی تجربه لری تکرار و بونلرک جمله سنک دوغرو لغنی اعلان ایدرک (بلجیقا) نک اقاده میای قرالیسنده منحل بر اعضالغه آلیماسنی تکلیف

کوستا و لوبون

و
آثاری حقنده

(پاریس) دارالفنونی معلملرندن (غاستون رازور) نک
تدقیقنامه سی: [*]

عصر مزک تفکر عالنده (کوستا و لوبون) بر موقع مخصوص اشغال ایدر. اونی حکیملر بر علم، عللر بر حکیم تلقی ایدر کچی کندیلرینی کوسته ریرلر؛ هم عللر، هم حکیملر اونک برداهی فقط «فانته زیست» برداهی اولدینی تصدیق و اعلان ایدرلر.

عالم اذکیا قادیار سلسله مراتبه مربوط و قواعد پرست هیچ بر عالم، فی الحقیقه، یوق در. اک کوزل مسلکله، اوراده «بورژوا» طرزنده یعنی برطاقم قواعد و اصوله تابع اولاراق یاپیلیر. برفیزیک شناس ک منحصراً برفیزیک شناس، بر کیمیا کرک

[*] ۲۱ مایس ۱۹۲۲ تاریخلی Revue Bleue ده Rageot نک نشر ایتیش اولدینی تدقیقنامه نک عیناً ترجمه سیدر. ترجمه مزک باشنه تبرکاً قوبورز. ع. ج.

ابتدی. و (کوستا و لوبون) آفاده میاه اعضا تعیین اولوندی. خلاصه (فرانسه) ده بیلکه (آرمان غوتیه)، (داستر)، (پن لووه) کبی مشهور و حر عالم (کوستا و لوبون) «ذره Atome لر اوزه رینه تدقیقاتی مناسبیله اوزون مقاله لر تخصیص ایتدیله.

دائما مناقشه معروض اولان بوشرف و شان. عینی زمانده هم (کوستا و لوبون) ک فعالیتک اجرا اولوندی ساحه لرده ک تنوع لر، هم غیر منظر بونجه نقطه لرده استحصا ایتدی. نتایجک یو کسکلی سبیلده در. [یعنی (کوستا و لوبون) ک شان و شرف علمینک بوقدر موضوع مناقشه اولماق آنجا بوضو رتله ایضاح اولونور].

انسانک کوزلری، معتدل و دائمی برایشیق ویرن بولامبه قولای آلیشیر؛ بر شمشکلر فیشقیرماسدن بو کوزلری وورولور یا خود قاماشیر: (کوستا و لوبون) منقطع و برق انکز بر ذکا در بوشر آرلردن بعضیلرینی بوراده احیا اتمه چالیشهلم.

I

الکاسکی تدقیقاتی توتون دوماننک تحلیل کیمیوسنه عائددر. اوزمانه قادار توتون دوماننک خواص سمیه سی منحصر «نیقوتین» Nicotine جوهرینه عطف اولونیوردی. (کوستا و لوبون) کوستر مهیه موفق اولدی، که توتون دومان «نیقوتین» دن ماعدا عظیم مقدارده و «نیقوتین» دن داها شدید خاصه

سمیه مالک «حمض قاربون»، «حامض کیانوس ماء»، و یکی شبه قلو ی لر احتوا ایدر. بوتحریاتک خلاصه سی پروفه سسور (آرمان غوتیه) نک بیوک کیمیا کتابنک ۱۱ نجی جلدنده بولونور. بوتحریات ایچون دوشونولوب بولونمش اولان اصول، بالا خره آفیون دوماننک ترکیبده دائر تدقیقاده، مشهور کیمیا کر موواسان Moissan طرفندن، قبول و تطبیق اولونمشدر.

صوکره، (کوستا و لوبون) مقید آلتله مراق و ذات الخرج و طین Biconique پاندولای یکی بر «ناظم Régulateur ایجاد ایتدی. بو آلت، ثانیه نک یوزده برینی اولچمه یی قولایلاشدیر اراق جمله عصیه نک ارتحاج دائمیسی و «معادله شخصییه Equation personnelle دینیلن مدتک تحولات مادیه سنی میدان چیقارماسنه مساعد اولدی. [*]

عینی زمانده آلتلری دوزلتیور و پلان آلق ایچون اصوللری مکمللشدیریوردی. ایکی جلدده جمع ایدیلن بونتایج برچوق مناظری عکس لر Images perspectives ایله دکل، یالکن برعکس صورت ایله اشیانک اشکال هندسیه سنی استخراج اتمهیه مساعد اولیوردی. Conservatoire des Arts et Métiers نک، فوطوغرافله پلان

[*] معادله شخصییه تعبیرنک بر تفصیل مدلولی آ کلاماق آرزو ایدنلره (دماغ و ماسکات عقلیه نک فیزیولوجیا و حفظ الصحه سی) عنوانی کتابنزه مراجعتی توصیه ایدر. معارف نظارتی تألیف و ترجمه کتبخانه سنک ۱۰۵ نجی و کتبخانه اجتهادک ۴۲ نجی عددی تشکیل ایدر. فی ۶۰۰ غروش.

آلماق اصوللرینک موجدی اولان مدیر سابق میرآلای (لاسهده Lassadat)، درسارنده اکثریا (کوستاولوبون) ک اصوللرینی شرح وایضاح ایتمشدر. دیگر عالم بر مؤلف، بیکباشی (لوغرو Legros)، (کوستاولوبون) ک اصوللرینک استعمالی شرح وایضاحه بتون بر جلد کتاب تخصیص ایتمشدر.

بواصوللر، (کوستاولوبون) ک (هندستان) ده، بالخاصه کندیسندن اول هیچ بر فرانسزک آباق باصمامش اولدینی (نهال) ده بر سورو آبدانک پلانلرینی سریمال اولدیر. بیلیمه سنی ده تأمین ایتمشدر. بو صورتله عالم، بر آرتیست و سیاح بر آرتیست اولیوردی.

ایشته شیمدی ده (کوستاولوبون)، آت سراقلیسی اولیور. فوطوغراف واسطه سیله آتلیک یورویشلرینی و اصول تربیه سنی تدقیقه حصر وجود ایدیور. بو مسئله یی (ماره ی Marey) ک بر اقدینی نقطه دن اله آلاراق (کوستاولوبون) کوستردی، که بویورویشلر باخصوص دورت نال یورویشلرینی دایما بر آز صنعی اولان قوشو و مانه ژآتلیرینی استعمال ایدرکن قبول اولونان یورویشلردن بعضاً پک فرقلیدر.

آت تربیه سنی و بینجیلکک تماس ایدن بو نتیجه، متخصصلر طرفندن او قادار مهم تلقی اولوندی، که (فرانسه) ده بینجیلکک علمنده اک یوکسک مقتدا، اک یوکسک استاد اولان (صومور Saumur) سواری مکتبی سر میراخوری میرآلای (بلاق بهلر B. Belair)، (کوستاولوبون) ک

کوستاولوبون

۱۳

« زمانمزدہ بینجیلکک پرہنسیبلری L'Equitation actuelle et ses principes عنوانلی اثری حقندہ آئیدہ کی سطرلری یازدی.

آتک بنیہ ذہنیہ سی حقندہ کی فصلیلہ، آت تربیه سنک پسیقولو حیاتی اساسلری عنوانلی بحثی شاه اثرلردر. بویجملری بیلیمه یلرو (کوستاولوبون) طرفندن وضع اولونان قاعده لردن ملهم اولمایانلر بینجیلکک حقندہ بر شی بیلیم ادعاسندہ بولونمازلر. بینجیلکک عائد اولاراق فتح اولونان فکرلردہ ووجودہ کتیریلن ترقیاتدہ (کوستاولوبون) ک حصہ کشفیاتی عظیم در. بعدما لایزلزل قالاچاق اولان اصول Méthode لرباداعیلہ صنعتیزک ہیئت عمومیہ سنی تنویر ایتدی.

خلاصہ کلام (برانلی Branly) ایله تشریک سعی ایدہ رک، (کوستاولوبون) پک اینجه صفیحه لر حالندہ معدنلرک (هرج Herz) موجهلری ایچون - بودورده مشهور فیزیک شناسلرک و ازجمله (لادجه Ladge) نک اعتقادلرینه مخالف اولاراق، غیر شفاف اولدینی اثبات ایتدی.

(کوستاولوبون) ک تحریات و تدقیقاتنک بوجمل تعدادینه ختام ویرمک ایچون تحت الاحمر Infra - rouge [*] انشعاعات ضیائیہ یی قابل رؤیت قیلماق واسطه سی اوزہ رینه اجرا ایتدیکی تجربہ لری ده ذکر اولونه بیلیر.

(علوم آقاده میاسنک ضبطنامہ لری) ندہ مندرج برنوطده خاطر لادیلدینی وجهله، بو تجربہ لر اوزہ رینه در، که محاربه [*] قرمزی دن داها آز قابل انکسار اولان مظلم انشعاعات حروریہ حقندہ استعمال اولونور بر تعبیر وصفیدر. ع. ج.

انسانده پك چوق ايشه يارامش اولان « بصرى تلغراف La télégraphie optique » تأسيس ايديلمشدر .

فقط مستقل علم [يعنى حكومت حسابنه مصارفى تأمين اولونان برلا بوراتوار خارجنده ، انسانك كندى خانه سنده مستقلاً علمى تجارب ايله اشتغالى] پك مصرفليدر . و آرز مصرفلى وحتى كارلى ايشاره كيريشمك ايچون ، مجرب ، بعضاً مصرفلى بر تجربه يي يارى يولده براقايه مجبور اولمشدر .
بو وجهله در ، كه (كوستاو لوبون) .. فيلسوف ، يعنى

« پسيقولوج » [روحيات علمى] ، « سوسيولوج » [علوم اجتماعيه متخصصى] ، مؤرخ ، محرر سياسى اولمشدر ؛ ينه بو وجهله در ، كه يکيرمى سنه ظرفنده ، (جمهورلرک پسيقولوجياسى) [*] ، (پسيقولوجياى سياسى) ، (اجتهادلر واعتقادلر) (فرانسه انقلابى و انقلابلرک پسيقولوجياسى) ، (حقيقتلرک حياتى) ، (تربيه نك پسيقولوجياسى) ، (روح الاقوام) ، (سوسياليزمك پسيقولوجياسى) ، (عصر مزك نصوص فلسفيه سى) [**] [*] ، (آوروپا حربندن آلينان پسيقولوجياى درسلى) ، (حربك ايلك نتيجه لرى) ، (يكي زمانلرک روحياتى) الخ كيبى يکيرمى قادار جلد يازدى .

شبهه سز ، بونلر ده ا قولاي ا كلاشيلير . اولدوقلرندن

[*] آلزده كي اثر .

[**] طرفزدن تورکجه به ترجمه ايديلمش ونسخه سى نادرلشمشدر .

مطالعه سى الزم اثرلردندر .

(كوستاو لوبون) ك آثارينك اك زياده مظهر رغبت اولان قسميدر . حكومات متحده آمريكانك سابق رئيسى ميستر (روزوولت Roosevelt) بتون سياحتلرنده و رياستك مدت دوامنجه (روح الاقوام) [*] ي دائماً النده بولونديرديغنى بر چوق ذواته دفعاتله تکرار ايتمشدر .

مترجملى آره سنده شونلر ذکر اولونه بيلير : اوزمان علوم آقاده ميای ايمپراطوريسى ومکاتب عسکريه ناظرى غران دوق (قونستانطين) ؛ روسجه سنك ايلك محيفه سنده اشارت اولونديغى وجهله (پسيقولوجياى تربيه) مشاراليه غران دوقك نظارنى آلتنده ، جنرال (موندایه سكى) طرفندن ترجمه اولونمشدر . (ژاپونيا) نك بالاخره خارجيه ناظرى اولان (پتره سورغ) سفيرى بارون موتونو (Baron Motono) ، اسمى ذکر اولونان اثرلردن بر چوغنك ترجمه لرى باشنه بالذات اورون بر مدخل يازمشدر . (مصر) عدليه ناظرى (فتحى پاشا زاغلول) بو اثرلرک بر چوغنى عربجه به ترجمه ايتمشدر .

بيوك عسکرى مکتبلر ، (كوستاولوبون) ك پره نسيب لرندن ايديله جك استفاده يي ، كرك (فرانسه) ده ، كرك (انكلتره) ده بو پره نسيب لرذن آلينا جاق درسلى كورمكده تأخير ايمه مشلردر . بيوك برانكليزجه ، عسکرى بر مجموعه آليات اولان The nav-

[*] بواثر بوندن يکيرمى اوچ سنه اول طرفزدن تورکجه به ترجمه وشيمدى يه قادار ايکي دفعه طبع ايديلمشدر . طبع ثانی نسخه لرى آزالدى دوکنمک اوزره در . فى ۵۰ غروش در .

دائماً ابتدائیدر و بو سبيله در ، که سرایت مصیبتنك تأثیريله
معشریت حیات پسیقولو جیائینسه دوشمك، (ره نان) ك بحث
ایتدیكى ارباب ذکا ایچون ، دائماً الیم بر کريله مه ، دائماً بر تدنی
تشکیل ایدر . مع هذا ، بوندن قورتولماق غیر ممکن در . بالخاصه
شونك ایچون ، که بلیه سرایت ، ابتدائی تمایلاتك دفع واجتناب
اولونامایان قوتيله اجرای تأثیر ایدر .

بناءً علیه دنیایی اداره ایدن هیچ بر زمان فکر
دکل در ، آرزولر ، احتیاجلر ، امیدلر ، قورقولر و بتون عناصر
حسیه در . انسانلر اجتماع ایدر ایتمز سری *Mystique*
اولورلر ، آنجاق بوسریت *Mysticism* ایله ، روحلنده روح ،
بشرك اك شدید اك مؤثر ، اك مهیج قوتلرینی چوشدورماق
سایه سنده و آنجاق بوسایه ده اونلرك اوزه رینه بر حکم و نفوذ اجرا
ایدیله بیلیر . دین لر عقیده اساسیه لريله دکل . ماصالکریله ، تعلیم
ایتدیكلری اخلاق و یا حقیقت ایله دکل . سعادت و یا کسلی
نامنه وعد ایتدیكلری شیلر سایه سنده کندیلرینی قبول ایتدیریر
و پایدار اولورلر . كذلك انقلابلر آنجاق جذبه کیرك *Illuminisme*
ایله مهلك اولورلر و تعصب عالمنده ، قربانلرینی تطهیر ایده جك
« آنکیزیاتور » ك آتشدن باشقا برشی بوقدر : کیوتینك و بتون
« بولشه ویک » اشکنجه لری نك یاپدیغی ده باشقه برشی دکلدر .
جمهورلره ظالم دینیور : دوغرو دکلدر . جمهورلر معتقددرلر و
وأنامك اوهام پرستك *Illusionisme* نك مذهش انحرافلری

اولدن کشف اولوناماز . قتل عام یاپانلر خیر خواهدرلر و
علوجناب سائقه سیله آدام اولدورولدیکی واقع اولور . شهسز
بودورلوملا حظه لر در میان ، بو دورلوم مشاهده لر تثبیت اولونمشدی .
فقط بونلر مؤرخلرك « مورالست » لرك [علمای اخلاقك]
تحشیه لری حالنده قالیوردی و باشلیجه ادبی سحیه لرینی محافظه
ایدیورلردی . بونلره عمومی ر بنیه ویرمك و تاریخك توثیق
ایتدیکی و - پولیتیکه ده عقل و بیلکی یربولدیغی تقدیرده - پولیتیکه
نك موقع استفاده یه قویایيله جکی و قویمايه مجبور اولدیغی بك
بسیط بر قاق قانونه ، او تحشیه لری ارجاع ایتك ؛ ایشته (کوستاو
لوبون) ك مزیتی بواولدی .

III

بوشكله برابر بتون بوجرأتلرك فوقه چیقاراق ، استحاله ماده
حقده کی تدقیقاتی و اثری ایله ، یکی علمك تملی کی نظر
اعتباره آلینان « ماده نك نا قابل تخریب اولماسی » عقیده اساسیه سی
اوزه رینه هجوم ایده رك فکر عالمنده محجوبیت انکیز بر حادثه یه ، بر
« ایسقاندال » سبب اولماق (کوستاو لوبون) ایچون محفوظ
برظفر ایدی .

اوتوز سنه دن زیاده وار ، که علوم آقاده میاسی اعضای
مشهوره سندن موسیو (آرمان غوثیه) یه ، (کوستاو لوبون) ،
ذره لرك اختیارلنی حقده بر تدقیقنامه یازمايه مقتضی لوازمه
مالك بولونولا جانغی بر کونك ، بلاشك ، کله جکنی سویله یوردی .

(کوستاو لوبون) شبهه سز اوزمان ، بالاخره یاپاجانی
شیشی خاطرندن بیله کچیرمیوردی .

بتون تجربه لر ، ذره لرك تخريبي احتمالی تکذیب ایدیور
کبی کورونیوردی . ترازونك کوستردیکی دلائله ناصل اعتراض
ایدیله بیلیر؟ تعامل لر Réactions ده ماده نك منظره سی دکیشیوردی ؛
فقط وزنی دائماً عینی قالیوردی .

اگر ماده برشی ضایع ایدیور ایدیسه بو آنجاق مجهول
انشعاع شکلی آلتنده اولابیلیردی ؛ بناء علیه بویولده تجربه لرك
ایتمك لازم کلیوردی . اوزون تجربه لردن صوکرده ۱۸۹۶ ده
بردن بره Rayonx یعنی x شعاعلرینك کشفی خبری (پاریسی) کلدیکی
وقت مهم نتیجه لره انتظار ایدیور ، بونلری خیال میال کوریوردیم .
بوانشعاعلرله ، آثارینی رأی العین کوردیکم اشعه آره سینیم (کوستاو
لوبون) ، برحس قبل التحقيق ایله بعضی مشابیهت سزه رک و تارخ تثبیت
ایتمك مقصدیله (علوم آقاده میاسی ضبطنامه لری) نده ضیانك تأثیرینه
معروض معدنلردن صدورایدن انشعاع لر حقنده قیصه برنویش
ایتدی . یکی برقوتك موجودیتنی ادعا ایدیوردی ، ادعاسنه ایسه
استقبال بالغاً مابلغ حق ویردی . بوقوته براسم ویرمك
ایچون « ضیای سیاه - Lumière noire » تسمیه سی انتخاب
ایتدی ، که بونی بالاخره بین الذرات قدرت Energie intr-atomique
اسمیه استبدال ایتدی . بو تعبیر بتون جهان طرفندن بوکون
قبول اولونمش بولونیور .

ضیای سیاه تعبیر اولونان انشعاع لرده مختلطاً ایکی مختلف

عنصر بولونیوردی . (کوستاو لوبون) بونلری آز زمانده
بری برندن آیردی :

۱ اوزمان فرض اولوندیغنه مخالف اولاراق برچوق
غیرشفاف اجسامدن مرور ایتیه مستعد بیوک طول موجلی
انشعاعات ضیائییه ؛ ۲ ماده نك تحلیله متحصل قاتودی Eathodique
شعاعلر [*] فامیلیاسندن اولان انشعاع لر .

تام اوصردده موسیو (به کهرل Bequerel ، (ن . دوسه ن
ویقتور (N. de Saint - Victor) ك «ئوران Uranie» املحه سندن
چیقان انشعاعلرله تجربه لرینی تکرار ایدیوردی . بر
تفسیر Phosphorescence وقوعی فکرینه قایلیمش اولدینی
حالده علوم آقاده میاسنك ۱۸۹۶ ضبطنامه لرنده مندرج
تجربه لری اجرا ایتدی ؛ اوتجربه لر کندیسنجه ، صورت
قطعه ده اثبات ایدیوردی ، که ئورانیوم Urenium ك اشعه سی
انکسار ، انعکاس و تقطب ایدر . (طول دائره سی Bureau des
longitudes) نك سالنامه سنده منتشر برخلاصه ده ، (هاری
پوان قاره) نك کمال اصابتله نظر دفته عرض ایتدیکی وجهله بوانشعاع لر
ضیافامیلیاسندن اولماق و بناء علیه هیچ ده یکی برشی تشکیل ایتمه مک
لازم کلیردی .

بونقطه ، اساسی ایدی . اگر «ئورانیوم» ك انتشارات

[*] قانون ، رونتکن علمنده منفی لوحه ؛ آنود Anode مثبت

لوحه دیمکدر . قاتودی ، و آنودی بونلرک اسم منسوبلریدر .

al and military gazette یعنی (دونامنا وار دو غزته سی) ،
(کوستاو لوبون) ک پره نسیب لرینک انکلیز ارکان حربیه سی
طرفندن ، عسکرک تربیه ذهنیه سی ایچون اساس اولاراق قبول
اولوندیغی قیدایتدی . دهاپک صوک زمانده حربک احضاری حقنده
برلایمه نك مؤلفی اولان انکلیز میرآلای (فوللر Fuller) ،
رؤسای عسکریه یه ، پسیقو لوجیانک لزوم تدریسی اوزه رنده
اصرار ایدیور ، بونلره (کوستاولوبون) نك پسیقو لوجیایه عائد
اثرلرینه عطف ایتدیکی اهمیت عملیه یی کوستریوردی .
زمانمرك (مانژن Mangin) و (دومودوی De Maud'huy)
کیی پارلاق برچوق جنراللری کندیلرینی (کوستاولوبون) ک
تلمیذلری اولارق اعلان ایدیورلر .

حقیقت حالده ، (کوستاولوبون) پسیقو لوجیانک یکی بر
شکلنک یعنی معشری Collective پسیقو لوجیانک بر پیر [*] ی
عد اولونه بیلیر .

شبهه سز ، (رنهان) ک سوزینی بیلیرسکیز : مثلاً برتغاشا
صالونه بیک ذکی آدمی طویلایکیز ؛ بونلر هیچ برزمان بیک
احقندن باشقه برشی اولمازلر ، کذاک اجتماع محللرنده نطق
ایراد ایتک اعتیادده اولانلر ، مثلاً برمداوله اقداحده ،
هربری شخصیتلرینی وحریت محاکمه لرینی محافظه ایدن برقاچ
دوسته خطاب ایتمه نك ، هر شخصیتک نایاب اولدینی برصالونده
ایراد نطق ایتکدن نه قدار دهازیاده کوچ وذهنی شاشیرتیجی

[*] پیر = Initiateur

اولدیغی بالتجربه بیلیرلر . بناءً علیه [بویله جمع لرده] ایچنده
فردی روحلرک مص اولوندینی برروح معشری تشکل ایدر .
عنغوی پسیقولوجیا ، حتی اک علمی شکللری آلتنده بیله
منحصراً فردلرک وجدانلرینی تبعله مشغول اولمشدی : (کوستاو
لوبون) جمهورلرک پسیقولوجیاسنی تدقیقه قویولدی .

بوندن باشقا یالکز یولی اشارت ایتیه و اصولی کوسترمه یه
انحصار ایتهدی ، یالکز بونی یامش اولماق دخی ذاتاً آزر
ایش اولمازدی . اولاً بو معشری حالت روحیه Psychisme
دن قواعد عمومیه استخراج ایدرک ، ثانیاً بو قانونلری ،
تربیه ، اجتهدلر و اعتقادلرکی بعضی حادثات اجتماعیه تطبیق
ایدرک عمومک درجه ده علاقه بخش نتایج بالذات کندیس
واصل اولدی .

جمهورلر و طبیعتلری اقتضاسی اولارق بالطبع اشتراك
والحقاق حالنده بولونانلر ، ملت لر و قوملر ، مذهبداشلر ،
فرقلر ، دینی طریقت سالکلری ، سه ناقل ، لر ، [یعنی
یاران بزم صحبتلری] قلاتان Clan لر ، انجمن لر ، چتلر ، بر
صنف شاگردان ، بر مجلس مبعوثان ، بر عساکر اردوسی ،
بر انقلابیلر ویغما کرلر کروهی ، حاصلی بتون معشریتلر ، بتون
زمره لر ، رشید ومدنی فردلرک وجدانلرینی سوق و اداره ایدن
قانونلردن دها بسیط قانونلره تابع بولونورلر : معشریتک
[یعنی بر انسانلر هیئت مجموع و مجتمع سنک] حیات روحیسی

[Emanations] ی انکسار و قطب ایده بیلورسه ضیانک عینی اولان وساده جه قابل رؤیت برتفسفر تشکیل ایدن انشعاع لردن باشقا اورته ده برشی یوق دیمکدی . اگر انکسار و قطب موجود اولماسه یدی اوزمان بالعکس بوس بتون باشقا و تمامایکی برشی موضوع بحث اولوردی .

بونکله برابر « ثورانیوم » دن انتشار ایدن شعاعلرک ضیادن تماماً باشقا برشی اولدیغی قبول ایتمک ایچون اوچ سنه کچیردیلر . بومواقع قبول اولونور اولونماز تحریات و تدقیقات تراکم و موسیو (کوری Curie) طرفندن رادیومک کشفی انتاج ایتدی .[*] فیزیک شناسلر تحری و تدقیقلرینه دوام ایتمکده لر ایکن (کوستاولوبون) کندی تحریاتی تعقیب ایدیور و بوزمان صوکره بوانشعاعلرک انحراب ماده دن متحصل اولدیغی نتیجه سنه ، واصل اولیوردی .

بوفکرلر ، اون سنه علی الدوام ، هر دفعه مؤلفک یکی یکی دلیللرینی ، برهانلرینی احتوا ایدن لایحه لرده شرح و ایضاح

[*] موسیو (کوری) ، زوجه سی مادام کوری ایله برابر چالیشاراق ، بومهم کشفه موفق اولمشدر . مادام کوری دخی ، موسیو کوری صریحه سنده بر عالم مدققدر . موسیو کوری نک بوندن اون بش سنه قادار اول بر اوتوموبیل آلتنده قالاراق ترک حیات ایتمه سی اوزه رینه اوصره ده پاریس دارالفنوننده تأسیس اولونان (انشعاع فعالیت Radioactivité) پروفه مسورلکی کرسیمه مادام کوری انتخاب اولونمش دره ایوم ، پولونه ز ، [لهستانی] برخام اولان مادام کوری ، فعالیت انشعاع مدرسی بولونماقده در .

اولوندی . (کوستاولوبون) طرفندن اولجه درمیان ایدلش اولدیغی حالد کندی حسابلرینه عینی نتایجی تکرار بولان مؤلفر ، استادک ایلك تحریاتی بر آزا ونومش کوروندکلرندن ۱۹۰۲ ده (علوم آقاده میاسنک ضبط نامه لری) نده مندرج بر خلاصه ده (کوستاولوبون) ، نشریات متقدمه سنی خاطر لاندی . ایشه شوسطرلر بو خلاصه دن مفرزدر :

شرح و ایضاح ایدیلن شرائط داخلنده ، ضیانک تحت تأثیرنده چیقان بتون تصعدات ، شیمدی ، ماده نک انشعاع فعالیتی نامی آلتنده تعریف اولونان انتشارات ایله الک صیقی مشاهلر عرض ایدر . بناء علیه بوانشعاراتک تحصلی ، اوزون مدت یالکز باشمه بنم ادعا و مدافعه ایتدیکم وجهه ، پک عمومی بر قاعده نک بر حال خصوصیتی کورونمکده در . بوقاعده عمومی شوا و لاق کرکدر : مختلف تأثیرلر آلتنده ماده نک ذره لری بر بر افتراق Dissociation . اوغرایه بیلر و صادر اولدیغی جسملرک خواصندن پک فرقی خواصه مالک تصعداته وجود ویره بیلر . بومشاهده لرک ، بو مطالعه لرک اک جالب نظر نتایجندن

بری شوایدی ، که هر ماده خاطر و خیالدن کچمز معظم بر قدرتک ، قدرت بین الذراتک منبعیدر . (کوستاولوبون) ک حساباته کوره بوقدرت ، ماده نک هر غرامنده بر جوق میلیون کیلو غرام متر [*] مقدارنده در . بالا آخره ، مختلف اصوللر ، دیگر فیزیک شناسلری مذکور رقلره یاقین ارقامه ایصال ایتمشدر .

[*] بر کیلوق بر ثقلتی بر متره ارتفاعنه چیقارماق ایچون مقتضی قدرت مقدارینه بر « کیلو غرام متر » دینیلر . نیته کیم بر کیلو صومک درجه حرارتی بر سانتیگراد یوکسلتن حرارت مقدارینه ده بر « قالوری » دینیلر .

بوجهه (کوستاو لوبون) ، « ماده ، حقیقت حالده متکاثف قدرت دن باشقا برشی دکلدرد » نتیجه سنه واصل اولیورولایحه لرندن برنده آتیده کی دعوالری درمیان ایدیوردی :
۱ قوت و ماده عینی شئیک ایکی مختلف شکلیدر . ماده ، بین الذرات قدرتک بالنسبه مستقر برشکلنی کوستریر . حرارت ، ضیا ، الکتریک الخ ، عینی قدرتک غیر مستقر شکلرینی کوستریر .

۲ ذره لری افتراق ایتدیرمک یا خود تعبر آخرله ماده بی غیرمادی قیلماق [Dématérialiser] ، متکاثف قدرتک ماده تسمیه اولونان شکل مستقرینی الکتریک ، ضیا ، حرارت الخ . ناملری آلتنده معروف غیر مستقر شکلره تحویل اتمکدن باشقا برشی دکلدرد .
ضیا و الکتریک و اکثر قوتلر ماده کدن چیقماستندن متحصل اولدیغندن بوندن شو نتیجه چیقار ، که انشعاع ایدن بر جسم یالکزد انشعاع کیفیتیله ، کتله سندن بر قمنی ضایع ایدر ؛ اگر بر جسم بتون قدرتی انشعاعه ترک ایتسیدی اثر ایچنده تماماً نایاب اولوردی .

نا قابل اعتراض اولان و بو کون اعتراض اولونمایان بو دعوالر ، ایلك دفعه میدانده چیقدقلری وقت آنجاق بهت و جرئت ایله قارشیلانده بیلیوردی . بو موضوع اوزه رینه نشر اولونان بیکلرجه تجربه لرك نتایجنی احتوا ایدن اون سکز لایحه ، استحاله ماده Evolution de la Matière عنوانی جلدده جمع اولوندی .

عجاز انکز کتاب ۱ کورونیور ، که یاواش یاواش بو کتابک حق و قیمتی نهایت تسلیم و تقدیر اولوندی .

اليوم (صوروبون) پروفه سسورلرندن بولونان دو قوتور (جورج بون J. Bohn) قدرت بین الذرات حقننده باقکزد فاصل اداره کلام ایتشدرد :

ماده ک نا قابل تخریب اولدیغی عقیده اساسیه سنه ایلك دفعه کندیسى هجوم ایدهرک برقاچ سنه ظرفنده بو عقیده بی محایتمک (کوستاو لوبون) ک عنوان مباهانی اولاجا قدر ... قدرتک ذاتا معلوم اولان شکلریه : حرارت ، ضیا ، الخ شکلرینه برشکل داها علاوه اتمک ایجاب ایدیور : بین الذرات قدرت . (کوستاو لوبون) ک بر طایفه دیغی بوشکل قدرتک حقیقی هیچ ده نظریات اوزه رینه مبتنی دکلدرد ، تجربه لرك ماوقعندن ، نتایج مثبت سندن مستدل در . هرنه قادار شیمدی به ذکین مجهول قالمش ایسه ده معلوم قوتلرك اک معظمیدر و حتی دیگر قوتلردن اکثرینک منشائی اولماق کرکدر .

آتیده مندرج ایکی فقره مفروضه ، (استحاله ماده) کتابی ترجمه سنک (بیوک بریتانیا) ده ناصل قارشیلانمش اولدیغی کوسترمه به کافی در :

جهان علمک ماده وقوت حقننده کی تلقیاتنده حقیقی بر انقلاب وجود کترین بر کتابی ترجمه ایتمش اولدیغندن دولای میستر (لججه Legge) به انگلیز قارئلرک متشکر و منتقدار اولمالی در .
(داروین) ک (Origin of species - منشاء انواع) عنوانی اثرندن صوکره ، (استحاله ماده) کتابی قادار انقلابکار هیچ بر کتاب نشر اولونماشدی و حقیقت حالده ، نتایجنک اهمیت اعتباریله ، بو کتاب (داروین) ک کتابی چوق کیریده برافیر .

(Litteary World, 15 Fev . 1907)

(نیوتون Newton) ک (پرنسیپیا Principia) عنوانی کتابنک انتشارندن صوکره پک آز کتاب [*] ، (کوستاو لوبون) ک استحاله

[*] (نیوتون) ک (پرنسیپیا) عنوانی اثر ریاضیسی حقننده ایضاحات کافی بی ، در دست طبع اولان (برذکای فیاض) عنوانی و (کوستاو لوبون) ک حیات علمبسنی شرحه مختص کوجوک بر کتابنزدده اوقو یا جاقسکز .

ماده حقننده کی کتابنک جهان علمده تولید ایتدیکی قادار عظیم علاقه
اویاندرمشدر . Irish Times , 8 Jan . 1909

IV

بناءً علیه پک اعلا کورولیور ، که زمانز علمنک هیچ
برجهتی هیچ بر استقامتی یوقدر ، که اونده (کوستاویلوبون)
برنوع پیغمبر کی رونما اولماسین . ظن اولونور، که ذکاسنه
خارق العاده بر شوکت انشعاع موهوب در ؛ بتون بیلکی
وتفکر ساحه لرنده ، بریرده شمشکر حالنده ، دیگر بریرده
تفسیر شکننده نوردن ، رونمای ظهور اولور .

بو اجمال سریعده ، پارلاق وخوارق آلود مسلک علمیدنه
دوام انساننده استادک هم مصادف اولدینی مقاومتلری هم
دعوت ایتیش اولدینی حیرایتلری میدانه قویمایه چالیشدم .
رسمی برصنم [یعنی دارالفنونده رسمی برکرسی صاحبی ، بر
مدرس] اولماق ، اونک جرأتکار دستورنده بولونامازدی
(کوستاویلوبون) ک ، تام حصاد ساعتنه [یعنی سن کالنه]

قادار بعضی مرتبه « فائنه زیست » ، دلیرانه و انقلابکار برشعار
محافظه ایتیش اولماسی ، اونک شخصنده بو دورک اک فیاض
ذکالردن برینی کورنلرک خوشنه کیدیور . عمومی رغبت
وقبوله آزمظهر اولماقله او داها بیوک اولاراق عرض وجود
ایدیور . بر مجدد اولاراق قالیور ، بر مجاهد اولاراق قالیور .

پاریس دارالفنونی معلملردن : غ . راژو
Gaston Rageot

مقدمه [*]

بوندن اولکی اثرمنز ، [روح الاقوام] عرقلرک روحنی شرحه
حصر اولوندی . شیمدی جمهورلرک روحنی مطالعه ایده جکیز .
بر عرقلرک بوتون افرادینه ، وراثتک اکتساب ایتدیردیکی
مشترک سجیهلرک یکونی بو عرقلرک روحنی تشکیل ایدر . فقط
بر قای انسان ، جمهور حالنده مجتمع بولوندوقلری زمان ،
مشاهده کوستریر ، که یکدیگرلرینه بوتقربلرینک اثری اولاراق
بعضی یکی مسجایای بسیقولوجیائی حاصل و عرقلرک سجیهلر اوزرینه
منضم اولور و بعضاً ، بویکی سجیهلر ، عرقلرک سجیهلرندن درین
فرقلرله آریلیر .

[*] ایلك طبعی ، جمهورلرک روحیاتی اوزهرینه شموللی هیچ
برتبعتک موجود اولمادیقی ۱۸۹۵ تاریخنده نشر اولونان بو اثر ، متعدد
لسانلره ، انگلیز ، آلمان ، اسپانیول ، روس ، اسوهچ ، چک ، له ،
عرب ، ژاپون ، یونان ، ارمنی ، فلامان ، چین الح لسانلرینه ترجمه
ایدیلشدر . عربجه ترجمه سی (مصر) عدلیه ناظری فتحی زغلول پاشا
طرفندن یاپیلشدر . ژاپونجه به ترجمه سنی ژاپونیانک پتره سبورغ سفیری
بارون (موتونو) یاپیلشدر . بارون (موتونو) نک ترجمه سنک باشنه ، مؤلفک
آثارینه دائر اوزون بر تبعننامه قونشدر .

قوملرک حیاتنده جمهورلر دائماً عظیم روللر اوینامشلدرد؛
بونکله برابر بولر هیچ بر زمان بولکونکی قادار مهم اولماشدر.
جمهورلرک غیر شعوری فعل و تأثیری فردلرک شعورلی فعالیتی
مقامنه قائم اولهراق قرن حاضرک باشلیجه اوصاف میزه سندن
برینی تمثیل ایدر.

منحصر آعلمی اصوللرله، یعنی اجتهادلردن، نظریه لر وعقیده-
لردن آیری بر اصول تدقیق وتحقیقه مالک اولمایه چالیشاراق
جمهورلر مسئله مهمه سی حله کیریشدم. بواسطه، باخصوص
احتراس انکیز مسئله لر موضوع بحث اولدینی زمان، برقچ حقیقتپاره
کشفنه دسترس اولماق ایچون یکانه واسطه در اعتقادیمیم.
بر حادته بی مرتبه حق وثبوت واردیرمایه چالیشان عالم بولتحرری
اشتغاللرینک تصادم ایده بیله جکی منفعتلره هیچ قولاق آصماز. نهم یات
جدیده دن برنده معروف بر متفکر اولان موسیو (غوبلو
دالویه لا Gblot d'Alviela) زمانمزک هیچ بر مکتبه منسوب
اولمادیغمدن بعضاًبتون بومکتبلرک رأی لرینه مخالف بولوندیغمی
نظر دفته عرض ایدیوردی. امید ایدرم که بویکی اثر عینی
ملاحظیه لایق اولاجاقدرد. بر مکتبه منسوب اولماق اومکتبک
زعم Préjugé لرینی ده، طرفکیرلک لرینی ده، ایستر ایسته مز،
قبول ایتمکدر.

بونکله برابر نتایج تدقیقاتمک، وهله اولاده تضمن ایده جک
کیی کوروندیکی نتیجه لردن نیچون فرقلی اولدینی قارئلره

ایضاخ ایتمه لییم؛ مثلاً کزیده لر مجلسلری ده داخل اولدینی حالده
عموم جمهورلرک صوک درجه ده دونیت ذهنیه لرینی مرتبه ثبوته
واردیرمایه ومع هذا بودونیته رغماً بونلرک تشکیلاتلرینه
«تعضی» لرینه دوقونمانک تهلکه لی اولاجاغی بیان ایتمیه مجبورم.
زیرا ماوقعات تاریخیه نک مشاهده دقت کارنه سی کوسته.

ریسور، که اجتماعی عضویتلر پک زیاده غیر بسیط، پک قاریشیق
اولدیغندن بونلرده [بردنبره] درین تحولات ابقاع ایتمک ید
اقدار مزده دکلدرد. طبیعت بعضاً رادیقال، [جذری] کورونور،
فقط بزم ظن ایتدی کمز درجه ده هیچ بر زمان رادیقال دکلدرد.
بویک اصلاحات مراقی، بواصلاحات، نظریانه قادار مکمل،
نه قادار اعلا کورونورسه کورونسون، بر قوم ایچون اک مشثوم
برشی در. اکر آن واحده ملتیرک روح لرینی دیکشدرمک
ممکن اولسه یدی آنجا ق بوتقدیرده، بویوک اصلاحات فائده لی
اولوردی. حالبو که بویله بر اقتداره یالکز زمان مالکدر.
بزم حقیقی مدیر سائق لر مز بالذات احتوا ایتدی کمز فکرلر،
حسلر، و اخلاق وعادت Moeurs لر مزدر. تأسیسات
Les institutions وقانونلر، روحمزک تجلی سی و احتیاجلرینک
افاده سیدر. بوروحدن صدور ایتدیکی ایچون، تأسیسات
وقانونلر اونی دیکشدره مز.

اجتماعی حادته لیرک مطالعه سی، بوحادته لیرک کندی لرنده تحصیل
ایتدیکی ملتیرک مطالعه سندن قابل تفریق دکلدرد؛ فلسفه بو

حادثه لر بر قیمت مطلقه مالک بولونه بیلیر، عملیاً بونلرک یالکرنسی بر قیمتلی واردر.

بناءً علیه بر حادثه اجتماعی بر برینی متعاقب یک متخالف ایکی منظر آلتند. نظر اعتباره آلینالی، مطالعه اولونمالیدر. بوحالده، نظری عقل La raison pure ک تعلیم Enseignement لری اکثریا عملی عقل La raison pratique ک تعالیمه ضد ظهورایدر: بو تفریق قابل تطبیق اولمادیغی فیزیکی معلومات Les données physiques [physiques] بیلله یوقدر: حقیقت مطلقه نقطه نظرندن بر مکعب، بردائر، بعضی فورمولار، دستورلر ایله صورت قطعیده تعریف اولونمش شکل هندسی لردر. کورمن نقطه نظرندن بوشکلر متحول صورتلر اکتساب ایده بیلیر.

مناظر، مکعبی، فعلاً، اهرامه یا خود مربعه، دائره بی قطع ناقصه یا خود خط مستقیم، تحویل ایدر؛ بوخیالی [Fictif] شکلرک نظر اعتباره آلیناسی ایسه حقیقی شکلرک نظر اعتباره آلیناسندن دها زیاده مهمدر، چونکه بزم ادراکمزجه قابل اطلاع اولان یالکز بو غیر حقیقی شکلردر. بعضی احوالده غیر حقیقی، حقیقی دن دها زیاده صحیحدر. اشیا Objets بی تام شکل هندسیلریله ترسیم ایتک، طبیعتی بوزماق واونی طانیماز برحاله قویماق اولور. ساکنلری، اشیا یه اللریله تماس ایتک امکانه مالک اولماق سزین بونلری قوییه ایدن ویا بونلرک فوطوغرافلرینی آلان بردنیا فرض ایدیکز؛ بو عالمک سکنه سی اشیا نک شکل حقیقیلری

حقننده تام بر فکر ایدیغیه آنجا ق مشکلات ایله واصل اولورلر. یالکز قلیل العدد بر قاچ دانشمند ایچون قابل ادراک اولان بو شکلک [یعنی شکل حقیقی نک] بیلیمه سی ده یک ضعیف بر فائده عرض ایدر.

فیلسوفلر، اجتماعی حادثه لری تصویر ایدرکن اونو تامالی درلر، که بو حادثه لرک قیمت نظریه لری یاننده قیمت عملیه لری واردر بومدنیتلرک تکاملی نقطه نظرندن بعضی اهمیته مالک اولان قیمت دخی یالکز بو قیمت عملیه در. بویله بر تحقیق Constatation بدایت امرده منطق عقلی نک کندیسنه قبول ایتدیره جک کبی کورونمیشی رأی وقراری ویرمکده فیلسوفی یک زیاده متانی و متبصر قیلار.

بو احتیاط کارلغی، فیلسوفه، دیگر سبیلر دخی التزام ایتدیرمه یه یاریم ایدر. اجتماعی ماقولرک مشوشیتی، هیئت عمومیه سی احاطه ایتک و متقابل تأثیرلرینک آثارینی، قبل الحدوث کورمک، فیلسوف ایچون ممکن اولمایا جاق درجه ده بیوکدر. مرئی ماقولرک آرقه سنده بعضاً غیر مرئی بیکلرجه سبیلرک کیزلندیکی ده کورونیور. ماقوعات اجتماعی نک غیر شعوری واکثریا بزم اقتدار تحلیل مزک یتیشه مه. دیکی عظیم بر کوشش Travail ک نتیجه سی اولاراق حاصل اولدیغی کورونمکده در. قابل فهم وادراک اولان حادثات اجتماعی، مرکزی اولان عمانک درین هرچ و مرجلرینی سطح عمانده بلیرتن دالغله ره تشبیه اولونه بیلیر. عمللرینک عمومیتنده

فقط بواقعه لرك دقتلى بر مطالعه سى ظاهرى سبيلرينك آرقه -
 سنده اقوامك فكر لرنده درين بر تعديلى، سبب حقيقى اولاراق،
 اورته يه قويار. حقيقى انقلابات تاريخيه عظمت و شدت ليله بزي
 حيرته دوشورنلر دكلدر. مدنيتلرك تجددلرينه منشاء اولان
 يكانه مهم تبدلات، اجتهاد Opinion لرده، تلقى لرده واعتقاد لرده
 اجرا اولونور. خاطره لرى لايزال قالان واقعه لر، انسانلرك
 حسياتنده متحصل غير مرئى تبدلاتك مرئى آثاريدر. بو
 تبدلاتك نادراً تجلى ايمه سى شوندن در، كه بر عرقك حسياتك
 زمين ارثيسى اك زياده ثابت [Stable] اولان عنصريدر.
 دور حاضر، مفكره بشرك طريق استحاله يه كيرديكى
 بحران زمانلرندن برينى تشكيل ايدر.

اينكى عامل اساسى بو استحاله نك تملنده بولونور: برنجيسى
 مدنيتك بوتون عنصرلرينك نشأتكاهى، مصدرى اولان دينى، سياسى
 و اجتماعى اعتقادلرك تحرييدر. اينكنجيسى علم و صنايعك كشفيات
 جديده سنك دوغوردنغى تماماً يكي بر تعيش و تفكر احوالك
 ابداعيدر.

ماضى نك فكرلرى هر نه قادار متزلزل ايسه ده، هنوز بك
 ذى قدرت اولديغندن و بونلرك يرينه كچه جك فكرلر هنوز حال
 تشكله بولونديغندن قرن جديد، برانتقال و آفارشى دوره سى
 عرض ايتكده در.

بالضرور بر آزهيو لائى Chaotique اولان بويله بر دوردن

علم روح اجتماعى

روح الجماهير

مدخل

جمهور لر دورى

قرن حاضر ك انكشافى -- مدنيتك بويوك تحولاتى قومك مفكره -
 لرنده كى تحولات نتيجه سيدير -- جمهورلرك قدرته يكي اعتقاد -- بو اعتقاد
 دولترك عنعنوى پوليقيقه لرينى تحوله اوغراتيور -- انامى صنفلرك [مقام
 نفوذ] قعودلرى ناصل حصوله كلير و شوكتلرى ناصل اجرا اولونور --
 جمهورلر شوكتك نتايج ضروريه سى -- جمهورلر يالكز مخرب بررول
 اجرا ايد بيليرلر -- فضله اختيار لامش مدنيت لرك اتحلالى اولر واسطه سيلاه
 اكمال اولونور -- جمهورلرك روحى حقنده جهل عمومى -- رجال تفرعيه
 و رجال دولت ايچون جمهورلر روحك اهميت مطالعه سى.

مدنيت لرك تحولاتنه تقدم ايدن عظيم هرج و مرجلر،
 وهله اولاده، اقوام استيلا لرى، خاندان حكمداريلرك اسقاطى
 كى بويوك استحالات سياسيه اثرى اولاراق متكون ظن اولونور

نظر تدقیق و مشاهده آیینجه، جمهور لر غریب بردونیت ذهنیه کوسته زیر لر؛ فقط بواعمالک بعضی لر ده وارد، که بونلرده، قدما نك طالع، طبیعت، لطف سبحانی، تسمیه ایتدی کیری وکنه و اساس لر نی بیلمه مکه برابر قدرت لر نی انکار ایده مدیکمز سری قوتلره تابع اولور کورونور لر. بعضاً او یله کورونور که، ملت لک صدرنده اراده لرینه رهبر اولان قوای خفیه بولونور.

مثلاً برلسان دن داها قاریشیق داها گرفت Compliqué، داها منطقی، داها اعجاز نما نه وارد؟ و، مع هذا، بوقادار عالیه بوقادار اینجه تعضی Organisation، عرقلرک غیر شعوری روحندن دکلده نره دن چیقیور؟ اک مشهور آقار میالر، اک مقتدا صرفیون بولسانلرده حاکم اولان قانونلری بیک مشکلات ایله قید ایتمکدن باشقا برشی پامیور لر و بولسانلری ابداعدن تماماً عاجز بولونور لردی. حتی بیوک آدم لک داهیانه فکر لرینک منحصر آ کندی اثر لری اولدیغنه تماماً امینعی نر؟ شبه سز بوفکر لر، دائماً، منفرد ذکاردن صدور ایدر؛ فقط بوفکر لرک فیلز لندیکی لحقی [*] بیکلرجه غبار دانه سی تشکیل ایتدی کندن بونلره وجود ویرمش اولان روح اقوام دکلیدر؟ جمهور لر، شبه سز غیر فا کرد لر، شعور سز در لر؛ فقط بویله بر شعور سزلق، قوتلرینک سرلرندن بریدر. طبیعتده منحصر آ سوق طبیعی به تابع اولان مخلوقات، اعجاز نما مغلقیتی Alluvion [*] صولرک چکیلده سندن میدانه چیقان اراضی به لحق و اراضی* لقیه دینیر.

بزی حیرت لره دوشورن فعل و حرکت اجرا ایدر لر. انسانیتده عقل، «غیر شعوری» نك قانونلری کشف ایده مه یه جک وبا خصوص اونک یینه قائم اولامایا جاق درجه ده پک یکی وهنوز پک ناقص بر شیدر. بوتون افعالمزده «غیر شعوری» نك حصه سی عظیم در، عقلک حصه سی ایسه پک ضعیف در. «غیر شعوری» هنوز مجهول بر قوت اولاراق اجرای فعل و تأثیر ایدر.

بناءً علیه علمک مطلع اولایسه جکی شیلرک طار فقط امین حدودی داخلنده قالماق، مبهم تخمینلر و بوش فرضیه لر حوزه سنده طولاشماق ایسترسه ک، قابل فهم حادثه لک ساده جه بر رأی العین مشاهده سنه، مرتبه ثبوت و اردیر یلانه انحصار ایتک لازمدر. واضحاً کورولن حادثه لک آرقه سنده ای کوره مدیکمز حادثه لر موجوددر و حتی بلکه بو غیر واضح حادثه لکده آرقه سنده تماماً غیر معلوم حادثه لر واردر.



بر کون نه ظهور ایدہ جکفی شیمدیکی حالده سویله مک قولای
دکدر . بزم جمعیتزه خلف اولاجاق جمعیتلر هانکی اساس
اوزه رینه بنا اولونا جاق ؟ هنوز بونی بیلیمورز . فقط شیمدین
تخمین اولونه بیلیر ، که بو جمعیتلرک تشکیلاتنده ، قرن جدیدک
صوک حاکمه سی اولان جمهورلر شوکتی تازه برقدرتله بولونا-
جاقدر . وقتيله دوغروعد ایدیلن و بو کون تولن بونجه فکرلرک ،
اختلاللرک متوالیا قیردینی بو قادار اقتدار و نفوذلرک خرابه لری
اوزه رنده یالکز بوقوت بو کسلمش در وعن قریب بوتون دیگر
قوتلری مطلقا بلع ایدہ جک کورونمکده در . قدیم اعتقادلر من
صارصیلدینی و نایاب اولدینی ، جمعیتلرک اسکی دیرکلمی طرف
طرف یقیلدینی حالده ، جمهورلرک تأثیر Action ی ، هیچ
برشینک تهدید ایتمه دیکی وشکوهی دائماً بویون یکله قوت در .
داخل اولدیغمز قرن حقیقه جمهورلر قرنی اولاجاق در .
آنجا بر عصر اول ، دولتلرک عنعنوی پولتیقه لری و
حکمدارلرک رقابتلری وقایعک باشلیجه عامللرینی تشکیل
ایدیوردی . جمهورلرک اجتہادی اکثریا ، حسابہ قاتیلیموردی
بوکون عنعنات تاریخیه ، حکمدارلرک تمایلات شخصیه لری ،
محاسده لری پک آزاغیر باصیور . جمهورلرک رأی متفوق اولدی .
قراللرک خط حرکتلرینی جمهورلر تعیین ایدیورلر . ملتک مقتدراتی
آرتق حکمدارلر مجلسلرنده دکل جمهورلرک روحنده حاضر لانیور .
انامی صنفلرک حیات سیاسی به صعودی و بونلرک تدریجاً مدبر
صنفلره استحاله لری انتقال دورمک الکبارز اوصاف ممیزه سندن

بریدر . دوغریسی ، جمهورلرک موقع حکم و اقتداره صعودی ،
اوزون مدت آز نفوذلی قالان ، بدایتده پک سهل الاداره اولان
آرای عمومیه مراجعت اصولیه نظره چارپمش ، تبارز ایتش
دکدر . جمهور شوکتک تولدی اولا روحلره یاواش یاواش
دیکیلن و روحلرده یتشدیریلن بعضی فکرلرک انتشاریه ، ثانیاده
اوزمانه قدار نظری قالان بعضی مفهوملری فعلیاته کچیرن بعضی
کیمسه لرک اتحاد تدریجیسیله حاصل اولمشدر . اتحاد Association ،
جمهورلرک ، منفعتلری حقنده ، پک مصیب اولماسده ، پک
قرار گیر ، پک معین فکرلر ایدمه لرینه و قوتلرینه مطلع اولمالرینه
مساعده اولدی . جمهورلر ، اوکنده بوتون قوتلرک تسلیم
اولدینی سندیه لر ، قوانین اقتصادی به رغما مساعی و کونده لک شرائطه
حاکم اولمایه متمایل ایش نوره لری (Des bourses du travail)
عمله صندقلری تأسیس ایدیورلر ؛ هر اقتدار تشبثدن ،
هر استقلالدن متجرد و اکثریا کندیلرینی انتخاب ایدن قومیتلرک
ماقل کلامی اولمایه ارجاع ایدیش بولونان حکومت مجلسلرینه
مثللر کونده ریورلر .

بوکون جمهورلرک مطالبی ، استحقاق دعوالری
(Revendication) کیتدی که وضوح و قطعیت کسب ایتکده در
و فجر مدنیتدن اول بوتون بشری زمهره لرک حال طبیعیسی
اولان اوابتدائی « قومونیزم » . ارجاع ایتک اوزره جمعیت
حاضرہ یی تماماً ییقماق ایسته یور . مساعی ساعتلرینک تحدیدی ،
معدنلرک ، شمندو فرلرک ، دارالصناعه لرک ، طوبراغک

صاحبزندن نزعی، استخصالاتک متساویاً تقسیمی عالی صنفلرک،
انامی صنفلر منفعتنه اولاراق اطراحی، الخ. جمهورلرک
مطالبی ایشه بونلردر.

دوشونمیه پک آزقابلیتلی اولدوقلری حالدیایمیه، بالعکس،
پک قابلیتلی کورونیورلر. تشکیلات حاضره قوتلرینی عظیم
قیلماقدردر. تولدینه شاهد اولدیغیز عقیده لر قریباً قدیم
عقیده لرک قدرتی یعنی مناقشه قبول ایتمین مستبد وفرمانفرما
قدرتی اکتساب ایده جکدر. جمهورلرک حقوق مقدسه سی
حکمدارلرک حقوق مقدسه سی رینه کچور. «بورژوازی» من
[یعنی معتبران صنفمز] نزدنده مرغوب اولان وبوصنفک برآز
طار اولان فکرلرینی، برآز قیسه اولان نظرلرینی، برآز
سطحی اولان رییلکنی، بعضاً مفرط اولان خودپرستلکنی
اک ای تمیل ایدن محررلر بویودکنی کوردکلری یکی قوتک
اوکنده چیلدیریورلر افکارک اغتشاشنه قارشى کلمک ایچون
وقتیله پک استخفاف ایتمش اولدوقلری کلیسانک معنوی
قوتلرندن نومیدانه استمداده بولونیورلر. علمک افلاسندن
بحث ایدیورلر ویزی وحی اثر حقیقتلرک تعلیمنه تکرار دعوت
ایدیورلر. فقط بویکی مهتدیلر اونوتیورلر، که اگر هدایت
کندیلرینه حقیقه ایریشمش ایسه، بو هدایت آخرت
اندیشه لرینه قارشى لاقید اولان روحلر اوزهرینه عینی تأثیر
اجرا ایده من. جمهورلر، اسکی افندیلرینک دون انکار ایتمش

وقیریلارینه یاردیمده بولونمش اولدقلری الهلری آرتق بوکون
ایسته میورلر. نهرلر منبعلرینه دوعرو تکرار یوکسلمز، آقازلر.
علم هیچ بر افلاسنده بولونمادی. نه افکارک بوکونکی
آنارشیسندن نه بوآنارشى اورتسندن بویون یکی قوتده علمک
هیچ بر دخل و تأثیر یوقدر. علم بزه حقیقی یاخود هیچ
اولمازسه ذکامزجه قابل ادراک مناسباته وقوفی وعد ایتدی؟
علم بزه هیچ بر زمان نه صلح نه ده سعادت وعد ایتدی.
حسیاتمزه قارشى شاهانه بر لاقیدی ایله لاقید اولان علم،
تظلملرمزی ایشیتمز وقاچیرمش اولدیغی موهومه لری هیچ
برشی کیری کتیره من.

چپاشمول اعراض بوتون ملتدرده، جمهورشوکتکک سریعاً
اتساعی کوستریور. بزه نه کتیریرسه کتیرسین اوکا قاتلانمایه
مجبور. سب و شتم، بوش لاقیدیلردر. جمهورلرک مقام اقتداره
اصعودی غرب مدنیتکک بلکه صوک مرحله لرندن برینی، یکی
جمعیتلرک ظهورینه تقدم ایدن مشوش آنارشى دورلرینه
دوعرو بر رجعتی قید واره ایده جکدر. فقط بونک اوکنه
ناصل کچمه لی؟

شیمیدی به قدر اختیارلامش مدنیتلرک معظم تخریبلی
جمهورلرکک واضح رولنی تشکیل ایتشد. تاریخ کوستریور، که
جمعیتکک دیمیر چنبری اولان معنوی قوتلر تأثیرلرینی غائب
ایتدیکی وقت، باکمال اصابت باربار صفیله توصیف اولونان
بوشعورسز وبهمی غلبه لکلر [Multitude] ایله اوجعیتک

انحلال نهائسی معامله سی یا پیلیر . مدیتلر ، شیمدی یه قادار کوچوک بر آریستوقراسیای ذکائی طرفندن [*] ابداع و اداره اولونمش در . جمهورلر یالکز ییقماق ایچون قوته مالکدرلر . بونلرک غلبه و حاکمیتلری دائماً بر صفحه اغتشاش کوستریر . برمدیت .. ثابت قاعده لری ، بر ضبط و ربطی ، سوق طبیعی ایله حرکت دورندن عقل ایله حرکت دورینه انتقالی ، استقبالی اولدن کورمه یی ، کندی کندیلرینه ترك ایدیلش جمهورلر ایچون تماماً ناقابل فهم یوکسک بر مرتبه حرثی تضمن ایدر . منحصر آتخربکار اولان قدرتلر یله جمهورلر ، ضعیف دوشمش وجودلرک و یا خود قاداورلرک انحلالی تسریع ایدن مقروبلر کبی اجرای فعل ایدرلر . برمدیتک بناسی چورویجه جمهورلر اونک انهدامی حصوله کتیریرلر . اونلرک روللری اوزمان عرض رواید . بر آن ایچون عدد Nombre ک ، کیتک کور قوتی ، تاریخک یکانه فلسفه سی اولور .

بزم مدیتیمز ایچون ده بویله می اولاجاق ؟ بوندن قورقه بیلیرز ، فقط هنوز بیلیمورز .

مادام که بصیرتسز اللر اونی ضبط ایده بیله جک بتون حائللری پیدربی آلت اوست ایتدیلر . جمهورلرک حکمرانلغه قاتلانمایه متوکلاً راضی اولالم .

کندیلرندن پک جوق بحث اولونمایه باشلانان بوجهورلری پک آز طانیورز .

[*] یعنی ذکاجه اصیل ونجیب اولان کوچوک بر زمهره طرفندن .

بسیقولوغلر [یعنی علم روح متخصصلری] جمهورلردن اوزاق یاشادیقلری جهته اونلری دائماً بیلیمه مش طانیامشردر و اونلرله ، یالکز ارتکاب ایده بیله جکلری جنایتلر نقطه نظرندن مشغول اولمشلردر . جنائی جمهورلر ، شهسز موجوددر ؛ و فضیلتکار جمهورلر ، قهرمان جمهورلر ، وداها بر جوق باشقالری دخی واردر . جمهورلرک جنایتلری بسیقولوجیالرینک یالکز بر حال خصوصیتلری تشکیل ایدر و بونلرک بنیه ذهنیه لری هیچده طانیماز ، نته کیم بر فردک مساویسی تصویر ایتمکه اونک بنیه ذهنیه سی اوکره نیلمز .

معهدا ، دوغروسى ، دنیانک خداوندلری ، دینلرک ویا کیشورلرک مؤسسری ، بوتون اعتقادلرک ناشرلری ، مشهور رجلا دولت وداها ضعیع بر دائره ده ، کوچوک معاشر کیشریه نک ساده دل رئیسری ، جمهورک روحلری حقنده اکثریا پک امین بروقوف غریزی یه مالک [یعنی سوق طبیعی ایله واقف] غیر شعوری غیر قاکر بسیقولوجیاشناسلردرلر . جمهورلرک روحنی ای طانیدقلرندن قولایلقله اونلرک حاکمی اولمشلردر . (ناپولیون) فرانسز جمهورلرینک بسیقولوجیاسنه اعجاز انکیز بدرجه ده نفوذ ایدیوردی ؛ فقط مختلف عرقلرک بسیقو

[*] معشر Collectivité مقابلی . قرآن کریمک یا معشر الحن والانس الح آیتنده کی معشر کلمه سی مفرد اولراق بومعنا ده در . ع . ج .

لوجیاسنه بعضاً تماماً جاهل چیقمشدر . [*] بوجهالت اونی ،
(اسپانیا) ده وباشلیجه (روسیا) ده ، سقوطنی احضارایتمش
اولان حربله کیریشدیرمشدر . جمهورلرک پسیقولوجیاسنه
وقوف ، اونلری اداره ایتمک دکل - بوایش بوکون پک
مشکل اولمشدر - فقط هیچ اولمازسه اونلر طرفندن بوسبوتون
اداره اولونماق ایستین دولت آداملرینک سرمایه سنی تشکیل
ایدر . جمهورلرک پسیقولوجیاسی ، جمهورلرک ، اندقاعی
Impulsif طبیعتلری اوزهرینه قوانین وتأسیساتک نه قادر آزارجری
تأثیر ایتدیکنی وکندیلرینه تلقین اولونان اجتهادلر خارجده
اجتهادلره مالک اولمایه نه قادر قابلیتسز اولدوقلرینی بکوسته ریر
صرف حقانیت نظریه دن مشتق قاعده لر اونلری حقوق واداره
ایده مز . یالکیز روحلرنده تولید اولونان تأثیر Impressions لر
اونلری قاندره بیلیر . مثلاً بر واضع قانون یکی بر وایکی وضع
ایتمک ایسترسه ، نظریاً اک محق اولانیمی انتخاب ایتمه لی در ،
هیچ بر وجهله . ویرکیلرک اک حقسزی اگر نظره آزاربار
وظاهرآ آزار آغیر اولورسه جمهورلر ایچون عملاً اک ایسی
اولور . بو وجهله در ، که بالواسطه ویرکی پک فاحش دخی اولسه ،
[*] اک ذکی مشاورلری ده مختلف عرقلرک بسقولوجیالرینی داها
زیاده آکلاماشلردر (تاله ی ران Talleyrand) ، اونا ، ناپولیونک
عسکرلرینی اسپانیانک منجی اولارق قبول ایده جکنی یازیوردی .
(اسپانیا) بو عسکرلری وحشی حیوانلرکی قبول ایتدی . عرقلرکی
سوق طبعیلرینه واقف بر پسیقولوجیاشناس بونک بویله اولاجاغنی قولایچه
اولدن کسدره بیلیردی .

جمهور طرفندن دائماً قبول اولوتور . هر کون مواد استهلاکیه اوزهرینه
سانتیم کسور اتیله ضم اولونان ویرکی جمهورلرک اعتیاداتی رنجیده
ایتمز و اونلری آزار متاثر قیلار . بو ویرکینک یرینه ، کونده لک
یاخود دیگر بر ایراد اوزهرینه نسبی اولارق و بر دفعه ده
تأدیه ایدیلن بر ویرکی قویکیز بو ویرکی اوته کندن اون دفعه
داها آزار آغیر اولسه بیله متفقاً یاپیلان پروستولری دعوت
ایدر . فی الحقیقه هر کونک کوزه کورونمه یین سانتیم لری یرینه
نسبة یوکسک و بنا برین پک تأثیرکار بیریگون عمومی قائم اولمش
اولور . بومبلغ بشر سانتیم بشر سانتیم اولارق بر طرفه قونمش
اولسه ییدی کوزه کورونمزدی . فقط بو اصول اقتصادی ،
بر بصیرت کیتی تشکیل ایدر که جمهورلر بونی یایمایه قابلیتسزلردر .
یوقاییده کی مثال جمهورلرک ذهننی پک واضح بر نور ایله
تنویر ایدر . بو کیفیت (ناپولیون) کبی بر روح آشنانک
کوردن قاجامشدی . فقط واضع قانونلر ، جمهورلرک روحه
بیگانه اولدقلرندن بونی آکلایمازلر . تجربه اونلره کافی درجه ده
هنوز اوکرمه مشدر ، که انسانلر ، هیچ بر زمان عقل محضک ،
عقل نظرینک اوامریله [یعنی منحصرأ معقولات ایله] سوق
و اداره اولونمازلر .

جمهورلر پسیقولوجیاسنک دیگر تطبیقاتی یایله بیلیر .
جمهورلرک علم روحه وقوف ، بو علم اولماق سزین تماماً ناقابل
فهم بر جوق حادثات تاریخیه و اقتصادی اوزهرینه کسکین
برضیا سالار .

بناءً عليه برجاذبه اطلاع دن باشقا بر جاذبه و فائده عرض
ایتمه سیدی بیهینه جمهور لر پسیقولوجیاسی، مطالعه سینه کیریشمه یه
دکردی. انسانلرک افعالنک محرک لرینه ده شیفره ایتک، حل
ایتک بر معدنک یا خود بر نباتک تحلیل و تدقیق قدار شایان نظر در.
جمهور لرک روحی حقیقه کی تتبع من آنجاق قیصه بر ترکیب
Synthèse، تدقیق اتمک ساده بر خلاصه سی اولای بیلیر. بو
تبعنامه دن، بو کتاب دن، یالکز الهام کار بعضی فکر Vue لر
ایسته نیلمه لی [فضله برشی بکلنمه مه لی] در. بوصبان ایزنی،
باشقالری داهاز یاده حفر ایده جک، [داهاز یاده، کنیشکته جک؛
داهاز یاده درینلشدیره جکلر] در. بو کون بز، بولوی هنوز
پک غیر مستکشف بر زمین اوزه رینه چیز یوز [*]

[*] جمهور لرک مطالعه پسیقولوجیایلیله مشغول اولان بکر مؤلفر؛
باشغال لرینی، یوقاریده سوبله دیکمز وجهه منحصر آختائی نقطه
نظر دن بایعشار در. بوصوک موضوعه یالکز قیصه بر باب تخصص اتمش
اولدیغدن؛ قارئ موسیو Tarde ک تبعاتنه Sighele ک حنائی جمهور لر
Les foules criminelles آدی رساله سینه مراجعتی توصیه ایدرم.
بوصوک رساله مؤلفنه خاص تک بر فکری احتوا اتمز. فقط پسیقولوجیا
شناسلر ایچون قیتمدار ماولعلرک بر مجموعه سیدر. جمهور لرک جنائیت
و اخلاقی حقیقه بنم رأیلم سابق الیان ایکی محرک رأیلمه ده
تمامیله مخالفدر.

مختلف اثر لرمده بالخاصه سوسیالیزمک پسیقولوجیاسی - La Psy-
chologie du socialisme عنوانی کتابده، جمهور لرک روحی سوق
و اداره ایدن قانونلرک بعضی نتایج مستخرجه سی بولونور. بروکسل
دارالموسیقی قرالیسی مدیری موسیو (کوهرت Gevaert) ک اخیراً

نشر و کمال اصابتله Art des foules تسمیه ایتدیکی موسیقی به داتر
بر اثرنده، عرض وایضاح اتمش اولدیغمز قانونلرک شایان دقت بر
تطبیقنی بولشددر. رساله سنی بانا کونده ریرکن مشهور پروفه سسور
شوسوزلری یازیوردی: بنجه اولای ناقابل حل کورون بر مسئله نک
حلنی بانا سزک ایکی اثرکن تأمین ایتدی: مسئله، یکی یا خود اسکی
یرلی یا خود انبی، بسیط یا خود مرکب بر اثر موسیقی، ای اجرا
ایدلک و هیجانی برشف طرفدن سوق و اداره اولونماق شرطیله
هر جمهورک حسن ایتک استعداد حیرت فزاسی مسئله سی ایدی « موسیو
(کوهرت) » گفته و بسته سنی (Partition) قابینه لرینک تنهائیسی
ایچنده اوقویان هنرمند موسیقی شناسلرجه آ کلاسیلما مش اولارق قالان
بر موسیقی پارچه سنک، هر تربیه موسیقییه بیکانه بر هیئت سامعین
طرفدن بعضاً بردن بره ناصل آ کلاسیلاغانی حیرانیت بخش بر صورتده
کوسته ریور. بو حسن Estétique تأثیراتک نه ایچون هیچ بر این
براقادیغی ده پک کوزل ایضاح ایدیور.

معنای علی العاده سیله جمهور کلمه سی ملیتلری ، مسلکلی ویا جنسلی [ارکک ، قادن] وکنیدیلرینی طویلایان تصادف نه اولورسه اولسون بر فردلر اجتماعی افاده ایدر .

پسیقولوجیائی نقطه نظر دن جمهور تعبیری بوسبتون باشقا بر معنا آلیر . بعضی احوال معینه ده ویا لکز بو احوالده ، برانسانلر مجموعی ، بوجمموعی وجوده کترین آیری آیری فردلرک مالک اولدقلری سجه لردن پک زیاده فرقلی یکی سجه لره مالک اولور . شعورلو شخصیت نایاب اولور ، بوتون فردیتلر Unités ک ، [هر فردک] حسلری وفکرلری عینی استقامته متوجه اولور . شهسز موقت ، فقط پک واضح سجه لر عرض ایدن بر روح معشری تشکل ایدر . معشریت اوزمان داها لایق بر تعبیر بولامادینم ایچون ، متعضو بر جمهور Foule organisée یا خود تعبیر آخرله ، بر جمهور پسیقولوجیائی نسبه ایده حکم شی اولور . جمهور ، منفرد بر وارلق بر وجود تشکیل ایدر و جمهورلرک وحدت پسیقولوجیائییه سی قانونی حکمنه تابع بولونور . برچوق فردلرک تصادفاً یان یانه بولونماسی کیفیتی کنیدیلرینه متعضو بر جمهورک سجه لرینی ویرمن عمومی بر میدانده ، بر مقصد معین اولماق سزین طویلانمش بیک شخص اصلا بر جمهور پسیقولوجیائی تشکیل ایتمز . جمهورک سجایای خصوصیه سنی اکتساب ایتمک ایچون طبیعتنی تعیین ایده جکمز بعضی منهلرک تأثیری لازمدر .

برنجی کتاب

جمهورلرک روحی

برنجی مبحث

جمهورلرک عمومی اوصاف ممیزه سی

وحدت ذهنی لرینک قانونه پسیقولوجیائییه سی

پسیقولوجیائی نقطه نظر دن بر جمهوری تشکیل ایدن شی . — بر چوق فردلرک بریره طویلانماسی [S Agglomeration] بر جمهور وجوده کتیرمه یه کافی اولماز . — پسیقولوجیائی جمهورلرک خصوصیتی سجه لری . — بو جمهورلری تشکیل وکندی شخصیتلرینی غائب ایدن فردلرده فکرلرک وحس لرک استقامت ثابته سی . — جمهور دائماً غیر شعوری « نك حکم واداره سی آلتنده بولونور . — حیات دماغینک اورته دن قالماسی وحیات نخاعی نك تفوق [*] . — ذکاتک تنزی وحسیاتک استحالته تامه سی . — دیکشن حسیات ، جمهورک تشکیل ایتدیکی فردلرک حسابانندن یا داها ایی یادها فنا اولور . — جمهور هینی درجه ده قولای اولاراق قهرمان وجانی اولور .

[*] حیات دماغی ، حیات عقلیدر ؛ حیات نخاعی ، حیات حیوانی

و نباتی در . ع . ج .

طریق تشکله کی جمهورك برنجی شمائی اولان، شخصیت
 ذی شعورك زوالی وحسیات و تفکراتک عینی استقامته توجهی
 کیفیتلری، عینی زمانده برچوق کیمسه لرك بر نقطه ده موجودیتنی
 هر زمان استلزام ایتمز. بری برندن آیری بیکلرجه اشخاص،
 کونک برنده، بعضی شدید هیجانلرك مثلاً عظیم بروقه ملیه نك
 تأثیریه بر جمهور بسیقولوجیائی نك سجه لرینی اکتساب ایده
 بیلیر. بونلری طولایان لاعلی تعیین بر تصادف، اوزمان
 بونلرك حرکات و سکناتلرینك جمهورلر افعاله خاص شکلی آلماسینه
 کفایت ایدر. تاریخك بعضی ساعتلرنده یاریم دوزینه آدم بر جمهور
 بسیقولوجیائی تشکیل ایده بیلیر؛ حالبوکه تصادفاً تجمع ایتمش
 یوزلرجه افراد بو جمهور بسیقولوجیائی تشکیل ایده بیه بیلیرلر.
 دیگر طرفدن بوتون بر قوم، مشهد بر تجمع اولدینی حالده
 فلان و یا قالان حامل مؤثرک تأثیری آلتنده بعضاً جمهور اولور.
 بر جمهور بسیقولوجیائی شکل ایدر ایتمز، موقت فقط
 قابل تعیین عمومی سجه لر اکتساب ایدر. بو عمومی سجه لر،
 جمهورك مرکب اولدینی و جمهورك بنیه ذهنیه سنی تعدیل
 ایده بیلن عنصرلره کوره خصوصی سجه لر منضم اولور.
 بناءً علیه بسیقولوجیائی جمهورلر قابل تصنیفدرلر.
 بو تصنیفك مطالعه سی بزه کوسته ره جکدر، که غیر مشابه عنصرلردن
 مرکب غیر متجانس بر جمهور.. [مذهب لر، طائفه لر، صنف لر
 کبی] آز چوق بری برینه مشابه عنصرلردن مرکب

متجانس جمهورلره مشترک سجه لر عرض ایدر و بو مشترک
 سجه لرک یاننده، جمهورلری بری برندن تفریق ایتیه مساعد
 اولان خصوصیتلر کوسته ریرلر.

مختلف صنوف جمهور ایله اشتغالدن اول، بوتون جمهورلره
 عام اولان سجه لری معاینه و تدقیق ایدم؛ بر قامیلیانك افرادینك
 عمومی سجه لرینی تعیین ایله ایشه باشلایان و متعاقباً، بوقامیلیانك
 احتوا ایتدیکی اجناس و انواعی بری برندن فرقلیلاشدیران
 خصوصی سجه لری تعیین ایدن ناتورالیست کبی یاباجاغز.
 تعصوب، یالکز عرقه و معشریتلرك ترکینه کوره دکل معروض
 اولدینی منهلرك طبیعت و درجه سنه کوره دخی تحول ایتدیکندن
 جمهورلر روحنك تصویر قولا ی دکلدر. ذاتاً عینی مشکلات
 لاعلی تعیین بر فردك مطالعه بسیقولوجیائی سنده ده ظهور ایدر.
 اشخاص، رومانلرده، ثابت، غیر متحول بر سجه ایله متجلی
 اولورلر، فقط حیات حقیقیده اویله دکلدرلر. یالکز محیطك یك
 شکلکلی سجه لرک ظاهری یك شکلکلی یاراتیر. بنیه ذهنیه نك،
 محیطك تبدل نا کهایسی تأثیریه اورتیه چیقایلن سجه ممکناتی
 احتوا ایتدیکنی باشقارده کوسترمد. بو وجهلر، که اک غدار،
 «قونوانسیونهل Conventionnel» لر آره سنده، احوال طبیعیه ده،
 حلیم و ساکن مقاولات محررلری و فضیلتکار حاکمرا اولاجاق
 اولان کندی حالنده «بورژوا» لر [شهریلر] دخی واردی.
 فورطونه کینجه، حال طبیعی عودت ایدیجه، بونلر، طبیعی سجه لرینی
 تکرار اکتساب ایتدیلر.

جمهورلرک تشکلیک بوتون مرحله لری بوراده تدقیق
ایده مهیه جکمزدن ، بونلری بالخاصه تام عضو Organisation
لری صفحه سنده درپیش ایده جکز . بوجهله دائماً نه اولدوقلری
دکل ، جمهورلرک نه اوله بیلله جکلری کوره جکز . منحصرأ
بوتعضو دور مترقیسنده در ، که عرقک حاکم و غیر متحول
بنیادی اوزره رینه بعضی یکی و خصوصی سجیه لر منضم اولور ؛
بونلر معشریتک [جمهورک] بوتون حسیات و افکارینک عینی استقامته
توجهنی حصوله کتیریر . یالکز اوزمان ، یوقاریده جمهورلرک
وحدت ذهنیه سی قانونی تسمیه ایتدی کمز شی ظهوره کلیر .
جمهورلرک برچوق سجیه پسیقولو جیائی لری منفرد فردلره
مشتراکدر ؛ دیگر بعضی سجیه لری ایسه بالعکس یالکز
معشریتلرده تصادف اولونور . اهمیتلری ای کوسستم ایچون
اولا بو خصوصی سجیه لری مطالعه ایده جکز .
بر جمهور پسیقولو جیائی نک عرض ایتدی کی کوزمه چاربار
ماوقع شودر : جمهوری ترکیب ایدن فردلر کیملر اولورسه
اولسون ، نوع حیاتلری ، استدلاللری ، سجیه لری یا خود
ذکالری نه اولورسه اولسون ، جمهور حاله کچمش اولملری
کیفیتی ، یالکز بو کیفیت ، اونلره برنوع روح معشری [روح
مشتراک] افاضه ایدر . بو روح اونلری ، هربری آیری آیری
بولوندوقلری حاله حس ایده حکلریدن ، دوشونه جکلرندن
ویا باجکلرندن تماماً باشقا طرزده حس ایتدیریر ، دوشوندورور
ویا دیریر . بعضی فکرلر ، بعضی حسلر ، آنجا ق جمهور

حالنده بولونان فردلرده ظهور ایدر ویا فعله منقلب اولور .
جمهور پسیقولو جیائی ، بر آن ایچون بری ، رینه ، لهمنش غیر
متجانس عنصرلردن مرکب بر مخلوق موقتدر ؛ طبق بر وجود
ذی حیاتک حجره لرینک ، اجتماعلریله ، بوجهره لردن هر برینک
مالک اولدوقلری سجیه لردن بک فرقلی سجیه لر اظهار ایدن یکی
بر مخلوق تشکیل ایتدی کلری کیبی .

(هر بهرت سپه نسر) کیبی درین بر فیلسوفک قلمی آلتنده
تصادف ایدیلدیکنه حیرت اولونان بر فکره مخالف اولاراق ،
بر جمهوری تشکیل ایدن اجتماع Agrégat ده عنصرلرک یکونی
ووسطی سی اصلا یوقدر . فقط یکی سجیه لرک ترکیب وابداعی
وارددر . کیمیاده اولدینی کیبی : بعض عنصرلر ، مثلاً اساسلر و
حامضلر یانیه کتیریلنجه ، بوجسملر آیری آیری مالک اولدوقلری
خواص کیمیویه دن باشقا خواصه مالک یکی بر جسم تشکیل ایتک
اوزره بری بریله امتزاج ایدرلر .

جمهور حالنده کی فردک ، منفرد فرددن نه قادار فرقلی اولدینی
قولایقله مرتبه ثبوتیه واردیریلیر ، فقط بویله بر فرقک سبیلرینی
کشف ایتک داها آز قولایدر .

بوسبیلری بر آاز کورمه یه اصل اولماق ایچون یکی پسیقو-
لوجیانک اولا شو مشاهدیه سنی در خاطر ایتلیدر : که یالکز
حیات عضویده دکل ، فقط ذکانتک ایشله مه سنده ده غیر شعوری
حادثه لر غالب بررول اجرا ایدرلر . روحک حیات شعوریه سی ،

حیات غیر شعورینسک یا سنده پک ضعیف بر حصه عرض ایدر.
اک دقیق تحلیلچی، اک نافذ النظر مشاهد، کندیلرینی سوق
و اداره ایدن غیر شعوری سائقلر آنجاق پک آز بر قسمی
کشفه واصل اولورلر. شعورلو افعالر، بالخاصه تأثیرات
ارثیه نك تشکیل ایتمش اولدینی بر هیولا Substratum دن صدور
ایدر. بو هیولا، روح عرقی تشکیل ایدن لایعد بقایای
اجدادیه بی احتوا ایدر. افعالرک اعتراف اولونان سبیلری
آرقه سنده بیلمه دیکمز اسباب خفیه بولونور. هر کونکی افعالرک
اکثری اکلامادیغمز کیزی اسباب و سوائقک اثرلر ایدر.

بالخاصه، عرقک روحی ترکیب ایدن عناصر غیر شعوریه
سایه سنده در، که بو عرقک بوتون فردلری یکدیگرلرینه بکزرلر.
تربیه ثمره سی اولان عناصر شعوریه بالخاصه بروراثت استثنائیه
اثری اولاراق بر عرقک افرادی یکدیگرندن فرقی لولورلر.
ذکالری اعتباریه بری برلرینه غیر مشابه اولان انسانلر، بعضاً
عینی سوق طبعیلره عینی احتراصلره، عینی حسیاته مالک بولونورلر.
دین، پولیتیکه، اخلاق، محبتلر، نفرت Antipathie لرا الحکی
حسیات حوزه سنده داخل بوتون شیلرده اک عالی انسانلر، عادی
افرادک سویه سنی فادراً کچرلر. مشهور بر ریاضی ایله قوندره جیسی
آره سنده مناسبات عقلیه جه بر کرداب، براوچوروم اولابیلیر،
فقط سحیه و اعتقادات نقطه نظرندن فرق یاهیچ یوقدر یا
پک ضعیف در.

حالبوکه غیر شعوری طرفندن اداره اولونان و بر عرقک
سالم Normal افرادینک اکثرینسک تقریباً عینی درجه ده
مالک اولدینی سحیه اوصاف عمومیه سی، جمهورلرده تماماً مشترک
قیلنمش اوصاف اولور. روح معشریده، انسانلرک استعدادات
عقلیه سی و بناء علیه شخصیتلری سیلینیر. غیر متجانس، متجانس
ایچنده غرق و نایاب و اوصاف غیر شعوریه حاکم اولور.
اوصاف عادیه نك مشترک اوصاف حالته وضعی کیفیتی،
جمهورلرک یوکسک بر ذکا استلزام ایدن ایتلری نه ایچون ایفا
ایده هر کسکی بزه ایضاح ایدر.

مملکت فقط مختلف اختصاصلر صاحبی بر رجال مجلسی
طرفندن اتخاذ اولونان عمومی اهمیتی حائز مقررات، برحققر
اجتماعی اتخاذ ایده جکی مقرراته، حس اولونور درجه ده،
فائق دکلدر. شوقادار که بومجلسلر هر کسک مالک اولدینی
بو علی العاده اوصافی فی الحقیقه توحید ایده بیلیرلر. جمهورلر،
ذکالری دکل کفایتسنلک Médiocrité لری [اوسط و علی العاده
اولان قفالری] ادخار ایدرلر. اثری تکرار اولوندینی وجهله
(وولتر) دن زیاده ذکاسی اولان هر کس دکلدر. اکر «هرکس»
دن جمهورلر مراد اولویورسه شبهه سز (وولتر) هر کسدن
زیاده ذکایه مالکدر.

فقط اکر جمهور حالنده بولونان فردلر اوصاف علی العاده
لرینی مزجه انحصار ایتسه لردی ساده جه حال وسطی وجود
بولوردی و سویله مش اولدیغمز وجهله، یکی سحیه لر میدانه

چیقمازدی. بوسجیه لر ناصل دوغار، ناصل تأسس ایدر؟ شیمدی
بونی آرایلم.

مختلف سبیلر، جمهورلرک خصوصی سجیه لرینک
ظهورینی موجب اولور. بو سبیلرک برنجیسی شودر، که
جمهور حالنده بولونان فرد، یالکز چوقلق Nombre ک
تأثیریلر، فرد، منفرد بولوندیغی تقدیرده هر حالده تقید
ایده بیلرکی سوق طبیعیله ترک عنان اتمه سنه ماعد
اولان نامغلوب بر جس قدرت اکتساب ایدر. سوق طبیعیله،
جمهورلر شونک ایچون داها قولای ترک نفس ایدر، که
جمهور آنونیم و بناء علیه غیر مسئول اولدیغندن فردلری دائماً
ضبط ایدن مسئولیت حسی تماماً اورتدن قالقار.

بر ایکنجی سبب اولان سرایت ذهنیه دخی جمهورلرده
خصوصی سجیه لرک ظهورینی وعینی زمانده بولرک استقامتی تأمین
وتعیین ایتک اوزره ایشه قاریشیر. سرایت ذهنیه حادثه سی رأی العین
کورولمه سی قولای فقط هنوز ایضاح ایدیلر مش اولان بر آز
صوکره مطالعه ایدر جکمز تنویمی Hypnotique صنفدن حادثه لره
ربطی ایجاب ایدن بر حادثه در. بر جمهورده هر جس، هر فعل
ساری در، هم او درجه ساری در، که فرد، شخصی فائده سی
معشری فائده یه اکثریا قولایجه فدا ایدر. بو کیفیت فداکاری،
انسانک طبیعته مخالف و بر جمهوره داخل بولونما دیقجه اظهارینه
همان همان قابلیت سز اولدیغی بر استعداد در.

بر اوچنجی واک مهم سبب، جمهورلره داخل فردلرده،
بعض منفرد فردلرک سجیه لرینه یک ضد خصوصی سجیه لر
تکوین ایدر. ذاتاً یوقاریده بحث ایتدیکم سرایتک بر اثرندن
بر نتیجه سندن باشقا برشی اولمایان قابلیت تلقین Suggestipilité ی
مراد ایدیورم.

بوحادثه یی ای آکلاماق ایچون فیزیولوجیکالک بعضی یکی
کشفیاتی ذهنده حاضر بولوندورمالیدر. بوکون بیلورز:
بر فرد اولیه برحاله قونوله بیلیر، که شخصیت ذی شعورینی غائب
ایده لرک، بو شخصیتی کندیسنه غائب ایتدیرن «اوپه راتور» ک
بوتون تلقین لرینه اطاعت و کندیسنک بوتون سجیه و اعتیادلرینه
اک مخالف فعللر ارتکاب ایدر. حالبوکه دقتی مشاهده لرله
ثابت اولش کورونیور، که بر زماندن بری، فعال بر جمهورک
ایچنده بولونان کیمسه - بو جمهوردن انتشار ایدن تصعدات
تأثیریلر یاخود هنوز مجهول لاعلی تعیین دیگر بر سبیلر - چوق
کچمه دن، «ایتنو تیزور» [*] ینک اللری آره سنده اینوتیزه
ایدیلن کیمسه نک دوشدیکی حاله مشابه بر مسخریت Fascination
حاله دوشر. اینوتیزه ایدیلن کیمسه ده دماغک حیاتی [یعنی حیات
ارادی] مفلوج اولدیغندن «اینوتیزور» ک ایسته دیکی کبی اداره
ایتدیکی بوتون فعالیت غیر شعوریه سنک اسیری اولور. بو آدمده
شعورلو شخصیت نابود اولمشدر؛ اراده و تمیزالفا اولونمشدر.

[*] تنوم صنی ایله انسانی اوپوتان : Hypnotiseur

علم رُوح اجتماعی

Dr GUSTAVE LE BON

ک

Psychologie des foules

روح الجماعی

عنوانی کتاب مشهورینک صوک طبعنه کوره ، مفید حاشیه لر
وایطاعات تاریخیه علاوه سیه ترجمه کامله سیدر

پاریس دایم الفنونی معلماتدن، موسیو (راثو) نلک مؤلف کتاب (گوستاویلوبون)
و آلمانی حقننده قیستدار برتبعنامه سی ترجمه مزک باشنه علاوه اولونعش در.

طابع وناشری : اقبال کتابخانه سی صاحبی

حسین

استانبول — آمدی مطبعه سی

۱۹۴۲ — ۱۹۲۴